

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Fis Fatosash	Fq. 545
2. Sá bindshem perpiqen dy data në historín f' onë komtare!	" 551
3. Mi vorr të Skanderbegut	" 556
4. Perkujtime datash e pershtypjesh rreth Ditës 28 Nðanduer 1912	" 560
5. Kujtime rreth vjetit 1912	" 565
6. Data qi Komi nuk harron	" 574
7. Kremtimi i Kryevjetorit të Pamvarsis komtare në Shkoder	" 585
8. Kryengritja e Bregut të Matës	" 589
9. Qyshket e Lekve të Malcís me Qeverí të Stamollës në vjetin 1911	" 592
10. Quo vadís... ? — II.	" 81

POSTA E JONË

PAJTIMTARVE!

U a vonuem ket numer, por deshtem me u a dergue vec
ndo'i ditë perpara Kremtes komtare, masi e shenjuem porsì numer
të ueçantë në perkujtim të Njizetvjetorit të datës së madhneshme
historike të të çpallunit të pamvarsis komtare.



FIS FATOSASH.

Njizetvjetori i asajë ditë fatlume në të cillen, sá Balkani ishte gjithnji flakë, sa shtypi i jashtem shkote tuj lajmue pushtime të reja kû të njânës, kû të tjetres krahinë t'At-dhent, sa zëmra e Shqyptarit si mrendë, si jashta vendit të vet, pikote gjak, një çetë e vogel per numer, por e madhe per guxim, pshtetë në dishirin e flakët të gjith nipave të Kastriotit e mí flít e panumrueshme qi kta kishin bâ per me e pá Shqypnín tuj gzue pamvarsín e vet, shkepë prej brigjesh të hueja, çajshin Adriatikun, delshin në Vlonë e tuj shtjellë zyrtarisht flamurin kuq e zí, qi një vjetë para ishte kênë shtjellë prej entuzjazmit luftarak në Deçiq prej Lek-ve të Malcís së Madhe, i diftojshin botës se verigat e sa qi-nda vjetve Shqyptari dote me i dijtë per të kputuna pergjith-monë e se, zot shpije në shpí të veten, nuk do të barte mâ qi kâmë anmiku të shkelte mí vizare gjithmonë shêjte, majtë e rujtë aq me besë per sa kavaljete, me gjith mizorít qi nuk i kjenë dá kurr, ky njizetvjetuer na gjên në të kerthnestët e perparimit komtár.

E Shqypnija i vû shêj, si lypej, ksajë ditë fatlume, e çpalli per kremte zyrtare, tuj dashtë me kaq me u dhânë shkas gjith Shqyptarve me pasë gjithmonë para sýsh madh-nín e flíve të bâme e randsín e pamvarsís së fitueme shi nen hijen e flamurit kuq e zí, dishmí e famshme e e pashlyeshme e qindresës së një populli kurr të mujtun qi, tuj pertrí kujti-met e sa breznive fatosash, zgjohej e, me gjith qi rrethanat ishin mjaft të vishtira, shifte se, fis fatosash tuj kênë, nzitë prej detyre ndaj atdhén, gatshem per flí tjera, i thote Euro-pës: kqyr, jam gjáll e i kerthnestë: rrhoftë Shqypnija!

Se shum kujtimet e kandshme pernjherë e të trishtue-

